



ცვლილებები თანაბარი უფლებებისათვის

პროექტი - სამოქალაქო საზოგადოება შეზღუდული შესაძლებლობის მქონე პირთა უფლებებისთვის საქართველოში

მცირე საგრანტო კონკურსი აჭარასა და კახეთში შეზღუდული შესაძლებლობის საკითხებზე მომუშავე ორგანიზაციებისთვის

საპროექტო წინადადებების მიღების საბოლოო ვადა: 2021 წლის 27 დეკემბერი, 23:59 სთ

სარჩევი

1. ზოგადი ინფორმაცია	2
2. საგრანტო კონკურსის მიზანი	2
3. აპლიკანტი ორგანიზაციის კრიტერიუმები.....	3
4. გრანტის მოცულობა და პროექტის ხანგრძლივობა:.....	3
5. საგრანტო განაცხადის წარგდენის პროცესი.....	4
6. საპროექტო წინადადებების განხილვა და შეფასება	5

1. ზოგადი ინფორმაცია

„ახალგაზრდული ორგანიზაცია ცვლილებები თანაბარი უფლებებისათვის“ წარმოადგენს შეზღუდული შესაძლებლობის მქონე პირთა თანაბარი შესაძლებლობების უზრუნველყოფასა და ადვოკატირებაზე ორიენტირებულ არასამთავრობო ორგანიზაციას, რომლის მიზანია შეზღუდული შესაძლებლობის მქონე პირების უფლებების დაცვა და მათი ჯანსაღი ინკლუზიის ხელშეწყობა ქვეყნის საზოგადოებრივ, სოციალურ და პოლიტიკურ ცხოვრებაში. ორგანიზაცია დაფუძნებულია ბათუმში და საქმიანობს როგორც აჭარის ავტონომიური რესპუბლიკის, ისე მთელი ქვეყნის მასშტაბით.¹

„ცვლილებები თანაბარი უფლებებისათვის“ პარტნიორ ორგანიზაციასთან „კოალიცია დამოუკიდებელი ცხოვრებისათვის“ ერთად ახორციელებს ევროკავშირის მიერ დაფინანსებულ პროექტს „სამოქალაქო საზოგადოება შეზღუდული შესაძლებლობის მქონე პირთა უფლებებისთვის საქართველოში“, რომლის მიზანია სამოქალაქო საზოგადოების გაძლიერება შეზღუდული შესაძლებლობის მქონე (შშმ) პირებისთვის მართლმსაჯულებაზე წვდომის გაუმჯობესებისა და დისკრიმინაციის აღმოფხვრისთვის, იურიდიული სერვისების განვითარებითა და ეფექტური ადვოკატირების მეშვეობით, სადაც განსაკუთრებული ყურადღება გამახვილდება შშმ ქალებსა და ეთნიკური უმცირესობის შეზღუდული შესაძლებლობის მქონე წარმომადგენლებზე.

შშმ პირები საქართველოში ისევ რჩებიან ერთ-ერთ ყველაზე მარგინალიზებულ საზოგადოებად. სოციალური, საკანონმდებლო, ინფრასტრუქტურული თუ სხვა ბარიერების გამო, ისინი კვლავ ვერ ახერხებენ სრულფასოვან მონაწილეობას საზოგადოებრივ ცხოვრებაში და შესაბამისად, სხვათა თანასწორად ვერ ახდენენ იმ ფუნდამენტური უფლებების რეალიზაციას, რომელიც გაწერილია საერთაშორისო თუ ადგილობრივ კანონმდებლობაში, რომლითაც სარგებლობენ საქართველოს სხვა მოქალაქეები.

შშმ პირები, მათ შორის, შშმ ქალები, ეთნიკური უმცირესობის შშმ წარმომადგენლები და შშმ ახალგაზრდები თითქმის ყოველდღიურად ხდებიან დისკრიმინაციის მსხვერპლი. დაბალია აღნიშნული ჯგუფების ჩართულობა გადაწყვეტილების მიღების პროცესებში და შესაბამისად, სათანადოდ არ ხდება მათი საჭიროებების ასახვა მუნიციპალური პროგრამების დაგეგმვისას.

მნიშვნელოვანია, ადგილობრივ დონეზე შშმ პირთა თემის გაძლიერება და გააქტიურება, ადგილობრივი მთავრობისა და სამოქალაქო საზოგადოების თანამშრომლობის გაუმჯობესება და შშმ თემის ჩართულობით გაეროს კონვენციითა და შეზღუდული შესაძლებლობის მქონე პირთა უფლებების შესახებ კანონით განსაზღვრული ვალდებულებების განხორციელების ხელშეწყობა მუნიციპალურ დონეზე.

არსებული გამოწვევების საპასუხოდ, პროექტის ფარგლებში იგეგმება შეზღუდული შესაძლებლობის საკითხებზე მომუშავე სამოქალაქო საზოგადოების ორგანიზაციებისა და ადგილობრივი ინიციატივების გაძლიერება აჭარისა და კახეთის რეგიონებში, მცირე გრანტების გაცემის გზით.

2. საგრანტო კონკურსის მიზანი

მცირე საგრანტო კონკურსის მთავარი მიზანია ადგილობრივ დონეზე გაეროს შშმ პირთა უფლებების კონვენციისა და შშმ პირთა უფლებების შესახებ ახალი კანონის პოპულარიზაცია და მათი იმპლემენტაციის ხელშეწყობა ინოვაციური მიდგომების მეშვეობით. კონკრეტულ ამოცანას კი წარმოადგენს შშმ პირთა უფლებების შესახებ კანონის მოთხოვნათა ასახვა მუნიციპალურ პროგრამებში და შშმ თემის ჩართულობის ხელშეწყობა გადაწყვეტილების მიღების პროცესში.

წარმოდგენილი საპროექტო განაცხადები უნდა მომზადდეს შეზღუდული შესაძლებლობის აქტუალურ უფლებრივ თემებზე და ეხებოდეს საკითხებს, რომლებიც შეზღუდული შესაძლებლობის მქონე პირთა თემშია გამოვლენილი. ამასთან, მას უნდა ჰქონდეს მიზანი (ან მიზნები), რომლებიც არის კონკრეტული, დროში კარგად გაწერილი, რეალისტური და განხორციელებადი.

შემოთავაზებული აქტივობები შესაძლოა მოიცავდეს, თუმცა არ შემოიფარგლებოდეს, შემდეგი საქმიანობებით:

¹ დამატებითი ინფორმაცია ორგანიზაციის შესახებ შეგიძლიათ იხილოთ ფეისბუკ-გვერდზე: <https://www.facebook.com/Dpo.Ctu>

- ადგილობრივი ხელისუფლების ორგანოებთან თანამშრომლობის დამყარება/გაუმჯობესება, კონვენციისა და შშმ პირთა უფლებების შესახებ საქართველოს კანონის ეფექტური იმპლემენტაციის ხელშეწყობის მიზნით
- შშმ პირთა, კონკრეტულად კი, შშმ ქალთა, ეთნიკური უმცირესობების წარმომადგენელ შშმ პირთა და შშმ ახალგაზრდების ჩართულობის ხელშეწყობა მუნიციპალურ დონეზე გადაწყვეტილების მიღების პროცესებში
- შშმ ახალგაზრდების, შშმ ქალებისა და ეთნიკური უმცირესობების წარმომადგენელ შშმ პირთა გაძლიერება და გააქტიურება საკუთარი უფლებების დაცვის მიზნით (მაგ.: ადვოკატირებისა და მონიტორინგის კუთხით და ა.შ.)
- სხვადასხვა ტიპის კონკრეტული პრობლემების გადაჭრაზე ორიენტირებული ადვოკატირების ღონისძიებები
- შეზღუდული შესაძლებლობის საკითხების ირგვლივ არსებული პოლიტიკის ანალიზი და რეკომენდაციების შემუშავება
- გაეროს კონვენციისა და შშმ პირთა უფლებების შესახებ საქართველოს კანონის (მთლიანობაში ან კონკრეტული მუხლების) შესახებ საზოგადოების ცნობიერების ამაღლების აქტივობები (ღონისძიებები, კამპანიები და ა.შ.).

სამიზნე ჯგუფები: სამიზნე ჯგუფებს წარმოადგენენ აჭარასა და კახეთში მცხოვრები შეზღუდული შესაძლებლობის მქონე პირები, მათ შორის, შშმ ქალებზე, ეთნიკური უმცირესობების წარმომადგენელ შშმ პირებსა და შშმ ახალგაზრდებზე ფოკუსირებით.

3. აპლიკანტი ორგანიზაციის კრიტერიუმები

საგრანტო კონკურსში მონაწილეობა შეუძლია შეზღუდული შესაძლებლობის საკითხებზე მომუშავე ნებისმიერ სამოქალაქო საზოგადოების ორგანიზაციას, რომელიც მოქმედი და რეგისტრირებულია აჭარის ან კახეთის რეგიონში. შერჩევის პროცესში უპირატესობა მიენიჭება შეზღუდული შესაძლებლობის მქონე პირთა ორგანიზაციებს.²

საგრანტო კონკურსში მონაწილეობის დასაშვებობის კრიტერიუმები:

- ორგანიზაცია უნდა იყოს დარეგისტრირებული როგორც არასამეწარმეო (არაკომერციული) იურიდიული პირი, საქართველოს კანონმდებლობის შესაბამისად
- რეგისტრაციის ადგილი უნდა იყოს აჭარა ან კახეთი
- ორგანიზაციის მიზნები და საქმიანობა დაკავშირებული უნდა იყოს შეზღუდული შესაძლებლობის სფეროსთან
- პროექტის წარმატებით განხორციელებაზე პასუხისმგებელ პირებს (და არა ორგანიზაციებს) უნდა ჰქონდეთ მინიმუმ ორწლიანი გამოცდილება შეზღუდული შესაძლებლობის მქონე პირთა საკითხების ადვოკატირებაში
- უშუალოდ იყოს პასუხისმგებელი პროექტის მომზადებასა და მართვაზე

4. გრანტის მოცულობა და პროექტის ხანგრძლივობა:

აღნიშნული საგრანტო კონკურსის ფარგლებში გასაცემი თანხის ჯამური ოდენობა შეადგენს 166 000 ლარს ორივე სამიზნე რეგიონზე (აჭარა და კახეთი). შემოთავაზებული პროექტის მინიმალური ხანგრძლივობა შეიძლება იყოს 3 თვე და არ უნდა აღემატებოდეს 8 თვეს.

პროექტის ხანგრძლივობისა და საქმიანობის მიმართულებების გათვალისწინებით, თითოეული პროექტის მინიმალური ბიუჯეტი უნდა განისაზღვროს არანაკლებ 10 500 ლარით, ხოლო მაქსიმალური ბიუჯეტი - 41 500 ლარის ოდენობით. თითოეული საპროექტო განაცხადისთვის ზუსტი ოდენობის ბიუჯეტის განსაზღვრა უნდა

² ორგანიზაცია წარმოადგენს შეზღუდული შესაძლებლობის მქონე პირთა ორგანიზაციას, თუ გადაწყვეტილების მიმღებ პირთა 50%+1-ს წარმოადგენენ შეზღუდული შესაძლებლობის მქონე პირები.

მოხდეს ფინანსური მენეჯმენტის პრინციპების, ფასის შესაბამისობისა და ხარჯთეფექტურობის გათვალისწინებით.

გთხოვთ, ბიუჯეტის შემუშავებისას გაითვალისწინოთ განმცხადებელი ორგანიზაციის მიერ ამ კუთხით დაგროვილი ისტორიული გამოცდილება. ბიუჯეტი გონივრულად უნდა იყოს განაწილებული ადმინისტრაციულ და პროგრამულ ხარჯებზე და ერთვოდეს ყველა ხარჯის დასაბუთება და აღწერა.

ცვლილებები თანაბარი უფლებებისათვის იტოვებს უფლებას, სრულად არ გასცეს მცირე გრანტებისთვის გათვალისწინებული ჯამური ბიუჯეტი, იმ შემთხვევაში თუ საპროექტო წინადადებების ხარისხი და მათი მიზნები ვერ პასუხობს საგრანტო კონკურსის მიზნებს. ორგანიზაცია, ასევე, იტოვებს უფლებას, აპლიკანტთან მოლაპარაკების საფუძველზე, შეამციროს, გაზარდოს ან შეცვალოს შემოთავაზებული პროექტის ბიუჯეტი პროექტის მოთხოვნებისა და ფინანსური მენეჯმენტის პრინციპებიდან გამომდინარე.

დაუშვებელი ხარჯები: წარმოდგენილი ბიუჯეტი სრულ თანხვედრაში უნდა იყოს საპროექტო განაცხადში აღწერილ აქტივობებთან. დაუშვებელია შემდეგი ტიპის ხარჯები:

- ხარჯები, რომლებიც არ ემსახურება შემოთავაზებული პროექტით აღწერილი აქტივობების განხორციელებას
- ისეთი საქმიანობისთვის გაწეული ხარჯები, რომელიც განხორციელდა პროექტის დაწყებამდე ან მისი დასრულების შემდგომ
- ქვე-გრანტის გაცემა
- უძრავი ქონების (მიწის ნაკვეთის ან შენობის) შეძენის ხარჯი
- ხარჯები პოლიტიკური პარტიებისთვის და რელიგიური ღონისძიებებისათვის

5. საგრანტო განაცხადის წარგდენის პროცესი

კონკურსში მონაწილეობის მსურველებმა საპროექტო განაცხადები უნდა წარმოადგინონ ქართულ ენაზე.

საპროექტო განაცხადი უნდა მოიცავდეს შემდეგ დოკუმენტაციას:

- სრულყოფილად შევსებული სააპლიკაციო ფორმა - იხილეთ დანართი 1
- ბიუჯეტი მითითებული ფორმატით - იხილეთ დანართი 2
- პროექტის ძირითადი განმახორციელებელი პერსონალის რეზიუმეები (CV).
- ამონაწერი სამეწარმეო რეესტრიდან

განაცხადი უნდა იყოს ხელმოწერილი ორგანიზაციის ხელმძღვანელი პირის მიერ და გამოიგზავნოს ელექტრონულად არაუგვიანეს **2021 წლის 27 დეკემბრის 23:59 საათისა**, შემდეგ ელ-ფოსტაზე: smallgrants.cer@gmail.com

გთხოვთ, გაითვალისწინოთ, რომ დაგვიანებული განაცხადები არ განიხილება.

დაინტერესებული ორგანიზაციებისთვის კონკურსის პირობებთან დაკავშირებით ონლაინ საინფორმაციო სესია გაიმართება 2021 წლის 10 დეკემბერს, 14:00 საათზე. შეხვედრაში მონაწილეობისთვის მსურველებმა უნდა გაიარონ რეგისტრაცია შემდეგ ბმულზე:

https://docs.google.com/forms/d/e/1FAIpQLSe5AYaR6s1p9c7shvkejAg8Zk7wSruRby68bHHMC2y3YnSgag/viewform?usp=sf_link

დარეგისტრირებულ პირებს მოგვიანებით დაეგზავნებათ ონლაინ შეხვედრის ბმული.

საგრანტო კონკურსის პირობებთან დაკავშირებული შეკითხვების გამოგზავნა, აგრეთვე, შესაძლებელია წერილობით, შემდეგ ელ-ფოსტაზე: smallgrants.cer@gmail.com

საგრანტო კონკურსის განრიგი:

26 ნოემბერი, 2021	კონკურსის გამოცხადება
10 დეკემბერი, 2021	ონლაინ საინფორმაციო სესია კონკურსის მოთხოვნებთან დაკავშირებით

27 დეკემბერი, 2021	საპროექტო განაცხადების გამოგზავნის ბოლო ვადა
25 იანვარი, 2022	საუკეთესო საპროექტო წინადადებების შერჩევა და შეტყობინების დაგზავნა კონკურსის მონაწილეებისთვის
31 იანვარი, 2022	ქვე-გრანტის ხელშეკრულებების გაფორმება
01 თებერვალი, 2022	პროექტის განხორციელების დაწყება

6. საპროექტო წინადადებების განხილვა და შეფასება

წინადადებების განხილვისა და შეფასების პროცესი ორ ეტაპს მოიცავს:

- I ეტაპზე ტექნიკური შესაბამისობის შეფასების მიზნით, ორგანიზაციის მიერ მოხდება ყველა შემოსული განაცხადის გადარჩევა.
- II ეტაპზე პროექტის ფარგლებში შეიქმნება გრანტების შერჩევის კომისია, რომელიც შეაფასებს საპროექტო წინადადებებს და შეარჩევს იმ განაცხადებს, რომლებიც ყველაზე უკეთ პასუხობს კონკურსის მიზნებსა და კრიტერიუმებს.

შეფასების კრიტერიუმები:

კრიტერიუმი	მაქსიმალური ქულა
პროექტის შესაბამისობა კონკურსის მიზნებთან	20
სამიზნე ჯგუფ(ებ)ის საჭიროებების სიღრმისეული ანალიზი	15
პროექტის შესაბამისობა გამოვლენილ საჭიროებებთან	25
ბიუჯეტის შესაბამისობა და ხარჯთეფექტურობა	25
პროექტის განხორციელებაზე პასუხისმგებელი გუნდის გამოცდილება	5
შემოთავაზებული აქტივობების/მიდგომების ინოვაციურობა	10
ჯამი	100

შეფასების შემდგომ კომისია, აგრეთვე, შეიმუშავებს კომენტარებს/რეკომენდაციებს საუკეთესო განმცხადებლებისთვის, რათა საჭიროების შემთხვევაში დაიხვეწოს საპროექტო განაცხადი და ბიუჯეტი ხელშეკრულების ხელმოწერამდე.

ქვე-გრანტის ხელშეკრულებაში დეტალურად გაიწერება და განისაზღვრება ორივე მხარის უფლებები და პასუხისმგებლობები. ხელშეკრულებების გაფორმება და დაფინანსებული პროექტების განხორციელების დაწყება დაგეგმილია 2022 წლის თებერვლიდან.